

NASOINS UNIDAS



NATIONS UNIES

SEKRETÁRIU JERÁL

MENSAJEN KONA-BA LORON MUNDIÁL MANUTENSAUN PÁS NA'IN SIRANIAN

Loron-29 fulan-Maiu tianan-2010

Iha ONU nia Loron Mundiál ba Manutensaun Pás na'in-sira, ita fó onra ba sakrifísiu sira ne'ebé mane no feto sira-nian ne'ebé lakon sira-nia vida durante hala'o sira-nia servisu iha ONU nia bandeira okos.

Komemorasaun tinan ida-ne'e triste duni. Fulan sanulu-resin-haat liubá mortál duni ba Manutensaun Pás ONU nian.

Emboskada sira iha Darfur ...

Terrorizmu iha Kabúl ...

No aviaun monu iha Haiti ...

Sira-ne'e maka trajédia entre sira seluk ne'ebé xoke manutensaun pás iha tinan liubá, oho ema na'in 121.

Iha tempu segundu hirak nia laran de'it, ho rai-nakdoko ne'ebé doko Haiti iha fulan-Janeiru liubá kuaze atu hanesan ho totál husi insidente hirak iha leten ne'ebá.

Manutensaun pás na'in sira, iha Misaun Estabilizasaun Nasoins Unidas nian iha Haiti, lakon vida hamutuk ema na'in 96 – totál ema barak liu hotu ne'ebé lakon vida iha dezastre dala ida nia laran durante istória manutensaun pás nian.

Maibé loron eskuru ida-ne'e sai nu'udar tempu ida-ne'ebé exelente liu ba ita, tanba ita-nia ema iha MINUSTAH, mane no feto sira, soe sira-nia trauma ida-ne'e iha sira-nia sorin, ho lalais halo misaun ne'e funsiona fali no ajuda povu Haiti hodi hakat-liu konsekuénsia terrivel depoizde rai-nakdoko ida-ne'e.

Iha momentu ita fó onra ba korajen no dedikasaun ne'ebé estraordináriu, ita mós fó omenajen ba pesoál militar, polísia no sivíl hamutuk na'in 122.000 ne'ebé serbí didi'ak iha ita-nia operasaun sira iha mundu tomak.

Sira-nia esforsu direktamente ajuda ema na'in tokon-ba-tokon ...

Tanba fó seguransa no promove rekonsiliaun ...

Tanba hamoos minas no desmobiliza kombatente sira ...

Tanba hametin instituisaun sira no estadu-direitu ...

Tanba fó ajuda no repatria refujiadu no dezlokadu sira ...

Tanba apoia eleisaun demokrátika sira, reforma setór seguransa ... no sei barak liután.

Manutensaun pás nu'udar parte ida indispensavel ONU nian ba mundu ida-ne'ebé di'ak liu. Mai ita fó ita-nia apoiu ne'ebé manutensaun pás ne'e presiza atu hetan susesu.